

УДК 811.512.145

## АМДИ ГИРАЙБАЙНЫНЪ ИДЖАДЫНДА РАСТКЕЛЬГЕН МУРЕККЕП СЁЗЛЕР

*Берберова Р. А.*

*Таврический национальный университет им. В.И. Вернадского, г.Симферополь, Украина  
E-mail: bra.berberova@yandex.ru*

В статье впервые исследуются сложные слова в творчестве Амди Гириайбая, в процессе исследования выявляются лексические и грамматические особенности, состав и виды сложных слов выбранных из произведений Амди Гириайбая.

**Ключевые слова:** творчество, процесс, исследование, вид, сложный, слово, состав, произведение, особенности.

**Тедкыкыатымызнынъ актуаллиги.** Кырымтатар тилининъ бугунки кунде инкишаф этюви эм де кырымтатар яzydжылары ана тилимизни на-сыл зенгинлештиргенлерини огренмек боюн борджумыздыр, эдебий тили-мизнинъ лугъат теркибини кирсетиледжек муреккеп сёзлерни Амди Гириай-байнынъ эсерлеринден сечиллип аларакъ, оларны тедкыкъ этмелимиз.

**Меселенинъ коюлмасы.** Кырымтатар халкынынъ белли шаири Амди Гириайбайнынъ иджады тек эдебиятшынаслар тарафындан тедкыкъ этильме-ктедир, биз исе, шаир язган шиирлернинъ тилини тиль джеэтинден де огре-нильмели. Мезкюр макъаленинъ муэллифи оларакъ, Амди Гириайбайнынъ иджадында расткельген муреккеп сёзлер ве оларгъа хас олгъан хусусиуэтлер- ни тедкыкъ этиль-меси лязим деп, саямыз.

**Тедкыкыатымызнынъ макъсады.** Земаневий эдебий кырымтатар тилининъ теркибине Амди Гириайбайнынъ эсерлеринде расткельген муреккеп сёзлерни къошмакъ ве оларнынъ лингвистик талилини беджерип, муреккеп сёзлернинъ шекилленюв ёлларыны тедкыкъ этмектир.

**Тедкыкыатымызнынъ методологик ве назарий темели.** Земаневий кырымтатар тилининъ назариеси ве усулиети, тасвирий, кыясий ве лингвистик талиль усуллары ве васталары.

**Тедкыкыатымызнынъ объекти** – бу земаневий кырымтатар тилининъ лугъат теркиби ве Амди Гириайбайнынъ эсерлеринде расткельген муреккеп сёз ве оларнынъ чешитлеридир.

**Тедкыкыатымызнынъ ильмий джеэттен янъылыгъы.** Земаневий эдебий кырымтатар тили ве кырымтатар яzydжыларынынъ иджады яни мез-кюр макъаледе Амди Гириайбайнынъ шиирлеринде расткельген муреккеп сёз-лернинъ даа тедкыкъ этильмесидир.

Амди Гириайбай миллетимизнинъ белли эвляды, севимли шаири. О, озь эсерлеринде миллийликни къайгырып, оны джоймамакъ ичюн, йигитлик аркетлерине давет эткендир.

Амди Гирайбайнынъ «Шиирлер» джыйынтыгында басылган эсерле-ринден муреккеп сёзлерни сечмек, оларны теркип джеэттен талиль этмек бизде буюк меракъ уянтгы. Меселе шунда ки, бойле иш бу вакыткъадже бе-джерильмегени себебинден бу ишни беджермеге тырыштыкъ. Амди Гирай-байнынъ шиирлерини окъугъанда, о, озь шиирлерини эдебий тильде ве Къа-расувбазарнынъ чель тарафы койлерининъ, бираз да Къарасув шивесинде яз-гъаны белли ола. Мезкюр макъалемизде Амди Гирайбайнынъ эсерлери языл-гъан тильни земаневий эдебий тилимизнинъ шекиллеринен тенъештирип, та-лиль эттик; олар арасындаки лексик, грамматик ве теркибий хусусиуелери-ни бельгиледик. Шаиримизнынъ шиирлеринден сечип алынган муреккеп сёзлерни, айны макъаленинъ муэллифи тарафындан беджерильген тасниф эсасында бойле чешитлерге айырдыкъ:

1. Къошма сёзлер – грамматик мунасебетлери эсасында бирлешкен я да бу мунасебетлер ачыкъ-айдын анылашылмаган эки ве экиден зияде сёзден шекилленип, бир ургъугъа бойсунган ве бир тюшонджени ифаделеген ше-киллер, меселя: *Акъкъая, акъсакъал, апсхане, Бавбек, Бекмамбет, Багъча-сарай, балавуз, башташ, бильдиралмай, деликъанлы, ёлбаишчы, Жансарай, ке-талмай, козьяш, къартана, Къуртбора, Къуртмурат, Культепе, косьтера-лмай, къансувукълыкъ, къарагъачы, къарасув, моллакъай, миявкъуш, сильди-ралмай, туталмай, эйвах.*

Айны муреккеп сёзлернинъ янъы маналары мевджут ве эдебий тиль нормаларына менсюп. Грамматик джеэттен бу эр бир сёз насыл къысымлардан ибарет олгъаныны талиль эттик ве бойле чешитлерини бельгиледик: 1) та-мыр+тамыр: *Акъ+къая, акъ+сакъал, апс+хане, Бав+бек, Бек+мамбет, бал+-авуз, баш+таш, Жан+сарай, козь+яш, къарт+ана, Къурт+бора, Къурт+-мурат, Куль+тепе, къара+(а)гъачы, къара+сув, мияв+къуш, мола+(а)къай, эй+вах;* 2) негиз+тамыр: *Багъча+сарай;* 3) тамыр+негиз: *къан+сувукълыкъ, дели+къан+лы, ёл+баш+чы.* 4) негиз+негиз: *бильдир+алма+й, косьтер-+алма+й, сильдир+алма+й, тут+алма+й.*

Сёз чешитлери категориясы джеэтинден айны муреккеп сёзлер исим, сыфат ве фииллерге хас олгъаныны бельгиледик: исим – *Акъкъая, акъсакъал, апсхане, Бавбек, Бекмамбет, Багъчасарай, балавуз, башташ, ёлбаишчы, Жансарай, козьяш, къартана, Къуртбора, Къуртмурат, Культепе, къансувукълыкъ, къарагъачы, къарасув, моллакъай, миявкъуш;* эм исим, эм де сыфат функцияларыны беджерген сёзлер – *деликъанлы, къансувукълыкъ;* фииль – *бильдирал-май, кеталмай, косьтерал-май, сильдиралмай, туталмай;* такълидий сёз – *эйвах.*

Айны шекиллернинъ теркиби эсасында оларны шекиллендирген моделле-рини айырдыкъ: исим+исим (*апсхане, Бавбек, Бекмамбет, Багъчасарай, балавуз, башташ, ёлбаишчы, Жансарай, козьяш, Къуртбора, Къуртмурат, Куль-тепе, къансувукълыкъ, моллакъай*); исим+сыфат (*деликъанлы*); сыфат+исим (*Акъкъая, акъсакъал, къарасув, къартана, къарагъач*); фииль+фииль (*биль-диралмай, кеталмай, косьтералмай сильдиралмай, туталмай,*) такълидий сёз+ исим (*миявкъуш*); такълидий сёз+такълидий сёз (*эйвах*).

2. Чифт сёзлер – эки сёзнинъ тенъ грамматик мунасебетлери эсасында ян-ма-ян кетиров ёлунен тизильген сёз, меселя: *акъ-адалет, агъа-къардаш, онъ-гъа-солгъа, учь-дёрт, сайып-суйип, ят-ябанджы, учлю-дёртлю, буны-шу-ны, дёрт-беш, секиз-он, докъуз-он, джараланган-урулган, чийли-пишли, ал-лы-гулли, къан-*

къардашылыкъ, яши-матем, тюрк-татар, сачып-кесип, нумюне-теджрибе, тав-таши, джолда-тышита, джыйып-терип, мунъ-къайгы, коше-буджакъ, сом-сырма, бир-экеви, окъув-язув, тоз-думан, талай-урелер, джы-лап-чынълап, тулуп-зурна, татлы-муаббет, бала-чагъа, къоркъа-ныса, яшы-къарты, сом-сырма, топракъ-топ.

Бу лексик бирликлернинъ яны маналары мевджут, олар арасында эсас къысмы эдебий тиль шеклиндедир, амма шималъ шивесине аит шекиллер де расткеле (сайып-суйип, джаралангъан-урулгъан, тавны-ташыны, джолда-тышита, джылап-чынълап, джыйып-терип). Чифт сёзлерни шекилленюв хусусиетине эсасланаракъ, бойле чешитлерге айырдыкъ: тамыр+тамыр (акъ-адалет, агъа-къардаш, бала-чагъа, дёрт-беш, секиз-он, докъуз-он, яши-матем, тюрк-татар, тав-таши, яшы-къарты, окъув-язув, сом-сырма, тулуп-зурна, тоз-думан, нумюне-теджрибе, мунъ-къайгы, топракъ-топ); тамыр+негиз (ят-ябанджы, бир-экеви, къан-къардашылыкъ); негиз+тамыр (татлы-муаб-бет); негиз+негиз (онъгъа-солгъа, джаралангъан-урулгъан, чийли-пишли, аллы-гулли, сачып-кесип, джолда-тышита, джыйып-терип, учлю-дёртлю, къоркъа-ныса, яшы-къарты, талай-урелер).

Сёз чешитлери категориясы джеэтинден айны чифт сёзлер исим (акъ-адалет, агъа-къардаш, мунъ-къайгы, тоз-думан, тав-таши), сыфат (ят-ябанджы, учлю-дёртлю, чийли-пишли, аллы-гулли, яши-матем, татлы-муаббет, тюрк-татар), сайы (учь-дёрт, дёрт-беш, секиз-он, докъуз-он, бир-экеви), замир (буны-шуны), фииль (джара-лангъан-урулгъан, талай-урелер, къоркъа-ныса), алфииль (сайып-суйип, сачып-кесип, джыйып-терип, джы-лап-чынълап), исимфииль (окъув-язув), зарф (онъгъа-солгъа, джолда-тышита).

Бу категорияны шекиллендирген ашагыдаки моделлер бельгиленди:

1) исим+исим (акъ-адалет, агъа-къардаш, къан-къардашылыкъ, тав-таши, нумюне-теджрибе, коше-буджакъ, мунъ-къайгы, сом-сырма, тоз-думан, тав-таши); 2) сыфат+сыфат (ят-ябанджы, учлю-дёртлю, чийли-пишли, аллы-гулли, яши-матем, татлы-муаббет, тюрк-татар); 3) сайы+сайы: (учь-дёрт, докъуз-он, дёрт-беш, секиз-он, бир-экеви); 4) замир+замир: (буны-шуны); 5) филь+филь: (джаралангъан-урулгъан, талай-урелер, къоркъа-ныса); 6) ал-фииль+алфииль: (сайып-суйип, сачып-кесип, джылап-чынълап, джыйып-терип); 7) исимфииль+исимфииль: (окъув-язув); 8) зарф: (онъгъа-солгъа, джолда-тышита).

3. Теркибий сёзлер – лексик ве грамматик маналарыны айры озь башлары-на олгъанда бутюнликке нисбетен де анълатылмасы мумкюн олгъан айры-ай-ры маналаргъа къолайлыкънен айырылгъан, бир муреккеп фикирни ифаделе-ген ве джумледе бир джумле аза вазифесини беджерген сёзлернинъ бирикме-сидир, меселя: *Ант эт, къыз бала, мыскъыл эт, эки аякълы джанавар*.

Бу теркибий сёзлер бир умумий мана ифаде этер ве энъ аздан эки компоненттен ибареттир. Эр бир сёз эдебий тиль нормасына аит. Теркип джеэтинден *Ант эт, къыз бала, мыскъыл эт* киби теркибий сёзлернинъ схемасы бойле шекильде ола биллир: тамыр+тамыр; *эки аякълы джанавар* теркибий сёзнинъ схемасы: тамыр+негиз+тамыр ибареттир. Сёз чешити категориясына аит олу- вына коре: *къыз бала, эки аякълы джанавар* – исимдир; *Ант эт, мыскъыл эт* – сёзлери исе фиильдир, олар ашагыдаки моделлер эсасында шекилленген-дир: исим+исим (*къыз бала*); сайы+сыфат+исим (*эки аякълы джанавар*); исим- +фииль (*Ант эт, мыскъыл эт*).

4. Текрар сёзлер – айны бир тамыр толу я да кыскъартылгъан шекильде текрарланылувынен шекилленген сёзлер, меселя: *абул-къубул, айта-айта, ап-акъ, барар-бармаз, балкъ-джалкъ, баикъа-баикъа, бирден-бирге, бир-бири, бузлай-бузлай, десте-десте, дук-дук, зыр-зыбылдыкъ, койден-койге, къайта-къайта, къап-къара, къап-къаралай, къаришы-къаришы, къалтыр-шалтыр, къатсе-къатер, салп-солп, сюзип-сюзип, сым-сыкъ, сьджакъ-сьджакъ, те-пе-тепе, татлы-татлы, тер-темиз, тюм-тюз, тым-тырыш, джаяв-джал-пы, джарты-джурты, джырлап-джырлап, джанар-джанмаз, шайте-шай-те, чалт-чалт, джарлы-джансыз, хабер-тебер, юрип-юрип, элий-элий, эки-шер-экишер, яваш-яваш*. Бир сыра текрар сёзлер шималь шивесине аиттир, меселя: *къап-къаралай, къатсе-къатер, къап-къаралай, джырлап-джырлап, джанар-джанмаз, шайте-шайте*.

Текрар сёзлерни теркибине коре эки эсас чешитке айырдыкъ: 1) эки компоненти де толу тамырдыр; 2) бир компоненти толу, дигери исе кыскъартылгъан тамыр яни редупликацион текрар сёз. Редупликацион *ап-акъ, сым-сыкъ, тер-темиз, тюм-тюз, тым-тырыш* ве *абул-къубул, балкъ-джалкъ, хабер-тебер* текрар сёзлерининъ бирер сеси денъишкендир. Текрар сёзлерни мей-дангъа кетирген моделлер булардыр: исим+исим – *десте-десте, хабер-те-бер*; сыфат+сыфат – *ап-акъ, баикъа-баикъа, сым-сыкъ, къап-къара, къап-къаралай, тер-темиз, тюм-тюз, тым-тырыш, зыр-зыбылдыкъ, джарлы- джансыз, джарты-джурты, сьджакъ-сьджакъ*; сайы+сайы – *бир-бири, экишер-экишер*; фииль+фииль – *айта-айта, барар-бармаз, бузлай-бузлай, джанар-джанмаз, элий-элий, те-пе-тепе, къатсе-къатер*; алфииль+алфииль – *сюзип-сюзип, джырлап-джырлап, юрип-юрип*; зарф+зарф – *абул-къубул, койден-койге, къаришы-къаришы, къалтыр-шалтыр, джаяв-джалпы, шайте-шайте, чалт-чалт, яваш-яваш*; такълидий сёз+такълидий сёз – *дук-дук, балкъ-джалкъ, салп-солп*.

**Нетидже ве перспективалар.** Юкарыда Амди Гирайбайнынъ «Шиирлер» джыйынтыгындаки шиирлерининъ тилини тедкъикъ этип, онда расткельген муреккеп сёзлернинъ лексик ве грамматиктик хусусиетлерини, шекилленюв моделлерини бельгилеп, ашагыдаки нетиджелерни чыкардыкъ яни шиирлер -де къошма, чифт, теркибий ве текрар сёзлерни айыраракъ, оларны этрафлы ве терен талиль эттик. Шуны да къайд этмек истер эдик ки, Амди Гирайбай-нынъ шиирлеринде муреккеп сёзлер муим ер туткъаны белли олды ве атта дигер иджаткярларнынъ эсерлеринде расткетирмеген шекиллерни (*зыр-зы-былдыкъ, мунъ-къайгы*) сечмеге наиль олдыкъ. Перспективаны козьде ту-тып, кенди тедкъикъатымыз иле кырымтатар тильшынаслыгынынъ иле-рилемесине аз да олса, озь иссемизни къошкъанымызгъа умют беслеймиз.

#### Кулланылгъан эдебият

1. Берберова Р. А. Чифт сёзлерде терминология меселеси /Берберова Р. А. – Республика ёш филолог олимларининъ анъанавий ильмий-назарий конференцияси материаллари. Фан. - Тошкент, 1989. – С. 97-99
2. Берберова Р. А. Чифт сёзлер акъкъында / Берберова Р. А. // Ёылдыз, № 3 – Ташкент, 1991. – С. 140-142.
3. Берберова Р. А. Муреккеп сёзлернинъ бельгиленювине бир назар. / Берберова Р. А. // Ёылдыз, № 2 – Симферополь, 1994. – С. 186-190.

4. Берберова Р. А. Чифт сёзлернинь компонентлери акъкъында / Берберова Р. А. // Ылдыз, № 3 – Симферополь, 1994. – С. 186-190.
5. Берберова Р. А. Муреккеп сёзлер – текарар сёзлер категориясы / Берберова Р. А. // Ылдыз, № 6 – Симферополь, 1997. – С. 170-173.
6. Берберова Р. А. Къырымтатар тилинде къошма сёзлер категориясы / Берберова Р. А. // Ылдыз, № 3 – Симферополь, 1998. – С. 136-139.
7. Берберова Р. А. Къырымтатар тилининь латин графикасына кечюв даиресинде муреккеп сёзлернинь имля меселелери / Берберова Р. А. // Ылдыз, № 4 – Симферополь, 2000. – С. 99-101.

### **Бедий менбаа**

Гирайбай Амди. Шиирлер / Гирайбай Амди.- Симферополь: «Таврия» нешриятъ, 1997. – 143 с.

**Берберова Р. А. Складні слова в творчості Амді Гірайбая** / Р. А. Берберова // Вчені записки Таврійського національного університету ім. В. І. Вернадського. Серія «Філологія. Соціальні комунікації». – 2011. – Т. 24 (63), № 3. – С. 18-22.

У статті вперше досліджуються складні слова в творчості Амді Гирайбая, в процесі дослідження виявляються лексичні і граматичні особенности, склад і види складних слів вибраних з творів Амді Гирайбая.

**Ключові слова:** творчість, процес, дослідження, вид, складний, слово, склад, твір, особливості.

**Berberova R.A. Difficult words are in creation of Amdi Giraybaya** / R.A. Berberova // Scientific Notes of Taurida V. I. Vernadsky National University. – Series: Philology. Social communications. – 2011. – Vol. 24 (63), No 3. – P. 18-22.

In the article difficult words are first probed in creation of Amdi Giraybaya, in the process of research the lexical come to light and grammatical peculiarities, composition and types of difficult words chosen from works of Amdi Giraybaya.

**Keywords:** creation, process, research, types of difficult words, composition, work, features.

*Поступила в редакцію 01.09.2011 г.*